



PROFIL KORPORAT





PROFIL KORPORAT INDEKS SYARIAH MALAYSIA

Diterbitkan Oleh

© JABATAN KEMAJUAN ISLAM MALAYSIA

Hak Cipta Terpelihara 2015

Hak Cipta Terpelihara tidak dibenarkan mengeluarkan ulang mana-mana bahagian artikel, ilustrasi, dan isi kandungan buku ini dalam apa juga bentuk dan dengan cara apa jua sama ada secara elektronik, fotokopi, mekanik, rakaman, atau cara lain sebelum mendapat izin bertulis daripada penerbit Ketua Pengarah, Jabatan Kemajuan Islam Malaysia, Pusat Pentadbiran Kerajaan Persekutuan, 62519 Putrajaya.



Kandungan



01 Mesej YAB Perdana Menteri Malaysia

02 Mesej YB Menteri di Jabatan Perdana Menteri

03 Mesej Pengerusi Jawatankuasa Tadbir Urus Indeks Syariah Malaysia

04 Mesej Ketua Pengarah Jabatan Kemajuan Islam Malaysia

05 Latar Belakang Indeks Syariah Malaysia

• Cetusan Idea

• Hasrat dan Realiti

**08 Pelaksanaan Fungsi dan Hala Tuju Strategik
Unit Indeks Syariah Malaysia JAKIM**

• Unit Indeks Syariah Malaysia

• Visi

• Misi

• Objektif

• Pelan Perancangan

Kandungan



01 Mesej YAB Perdana Menteri Malaysia

02 Mesej YB Menteri di Jabatan Perdana Menteri

03 Mesej Pengerusi Jawatankuasa Tadbir Urus Indeks Syariah Malaysia

04 Mesej Ketua Pengarah Jabatan Kemajuan Islam Malaysia

05 Latar Belakang Indeks Syariah Malaysia

• Cetusan Idea

• Hasrat dan Realiti

**08 Pelaksanaan Fungsi dan Hala Tuju Strategik
Unit Indeks Syariah Malaysia JAKIM**

• Unit Indeks Syariah Malaysia

• Visi

• Misi

• Objektif

• Pelan Perancangan

12

Jawatankuasa Utama Indeks Syariah Malaysia

-  Penubuhan Jawatankuasa Tadbir Urus Indeks Syariah Malaysia (JKTU ISM)
-  Objektif Penubuhan JKTU ISM
-  Fungsi dan Bidang Tugas
-  Struktur Jawatankuasa
-  Panel Pakar JKTU ISM

18

8 Bidang Utama Pengukuran Indeks Syariah Malaysia

-  Input Bidang-Bidang Utama

21

Elemen Ukuran Maqasid Syariah Indeks Syariah Malaysia

23

Gambar Jawatankuasa Tadbir Urus Indeks Syariah Malaysia

24

Hubungi Kami



Mesej YB Menteri di Jabatan Perdana Menteri

"Indeks Syariah Malaysia bukanlah suatu skim galakkan tetapi ia merupakan inisiatif pihak Kerajaan untuk melihat kesungguhan dan usaha yang telah dilakukan dalam melaksanakan dasar-dasar pentadbiran berasaskan prinsip-prinsip kesejagatan Islam yang berpaksikan kepada Maqasid Syariah. Adalah diharapkan ia akan menjadikan Malaysia sebagai benchmark kepada negara Islam lain dalam mengukur Indeks Syariah agar ia boleh diimplementasikan di negara mereka".

YB Mejar Jeneral Dato' Seri Jamil Khir Bin Hj. Baharom (B)



Mesej Pengerusi Jawatankuasa Tadbir Urus Indeks Syariah Malaysia



"Saya melihat Indeks Syariah Malaysia perlu bergerak dengan dinamik, segar dan bertaraf antarabangsa sejajar dengan nilai-nilai perintis atau disebut sebagai yang pertama di dunia. Maka seharusnya, Indeks Syariah Malaysia menjadi contoh kepada dunia amnya dan negara-negara Islam khususnya".

YBhg. Profesor Emeritus Tan Sri Dato' Dr. Abdul Shukor Bin Hj. Husin



Mesej Ketua Pengarah Jabatan Kemajuan Islam Malaysia

"Inisiatif yang dibuat bukan sekadar memfokuskan kepada program yang berjenamakan Islam, tetapi ia turut mengambil kira program yang bukan Islamik tetapi mempunyai nilai-nilai murni yang diamalkan Islam dan semua agama. Sebagai contoh dari aspek keluarga, program-program yang dibuat oleh Kerajaan, sudah pasti kita mahu keluarga yang harmoni dan tidak ada keluarga yang berpecah-belah, tidak mempunyai masalah sosial seperti terlibat dengan dadah. Indeks ini akan mengukur usaha-usaha yang dilaksanakan oleh Kerajaan dalam mencapai matlamat Maqasid Syariah, dan ia bukan sahaja untuk masyarakat Islam, tetapi kepada seluruh masyarakat di Negara ini".

YBhg. Dato' Hj. Othman Bin Mustapha





Latar Belakang Indeks Syariah Malaysia

Cetusan Idea

Sejak merdeka hingga kini, Kerajaan Malaysia sentiasa beristiqamah dalam memastikan setiap usaha dan dasar yang dilaksanakan adalah berpaksikan Maqasid Syariah.

Namun, usaha murni ini dilihat oleh sesetengah pihak sebagai tidak menepati semangat dan tuntutan Islam. Hal ini berkemungkinan disebabkan oleh label atau nama yang digunakan tidak secara langsung menggunakan perkataan Islam, walaupun dari segi matlamatnya adalah Islamik.

Maqasid Syariah sememangnya telah diaplikasikan sebagai teras dalam pemerintahan di Malaysia selama ini, hanya ia belum pernah diukur pada suatu tahap sebenar. Oleh itu, telah tiba masanya suatu pendekatan serius diambil oleh Kerajaan bagi merungkai salah faham dan tanggapan segelintir rakyat Malaysia yang mengatakan sistem pentadbiran negara ini tidak mengikut prinsip-prinsip Islam.

Beriltizam kepada perkara tersebut, YAB Perdana Menteri pada Majlis Perdana Ulama'~Umara' pada 28 Ogos 2014 telah mencetuskan idea bagi Malaysia melancarkan satu dimensi baru, berkaitan Indeks Syariah Malaysia yang belum pernah dilaksanakan sebelum ini.

Indeks ini merupakan satu produk pelengkap tadbir urus Islam di Malaysia, yang boleh dianggap mempunyai nilai-nilai perintis. Dalam erti kata ia adalah menyeluruh, komprehensif dan yang pertama seumpamanya di dunia. Sehubungan itu, Kerajaan telah menubuhkan satu Jawatankuasa Khas yang diterajui oleh Jabatan Kemajuan Islam Malaysia (JAKIM) dan Universiti Islam Antarabangsa Malaysia (UIAM) bagi memulakan usaha untuk membangunkan Indeks Syariah ini.

Jika status maju atau mundurnya sesebuah negara itu diukur menggunakan *Human Development Index (Indeks Pembangunan Manusia)*, maka adalah sangat perlu bagi Malaysia yang merupakan Negara Islam contoh mempunyai satu kayu ukur yang objektif dan saintifik bagi menentu ukur kedudukan dalam menjalankan pentadbiran negara berdasarkan prinsip Maqasid Syariah.

Hasrat dan Realiti

Indeks Syariah Malaysia merupakan satu kaedah pengukuran saintifik yang boleh menepati tiga (3) fungsi penting iaitu:

1. Untuk menilai keseriusan usaha yang telah dilaksanakan berkaitan dasar dan program Kerajaan dari tahun ke tahun dalam menepati piawaian Islam.
2. Untuk melihat pencapaian berdasarkan usaha yang telah dilakukan.
3. Untuk mengenal pasti ruang-ruang pembaikan yang perlu diberi fokus oleh Kerajaan, agar lebih banyak manfaat hasil dari penerapan nilai-nilai sejagat dalam Islam dapat diterima.

Selaras dengan hasrat dan kesungguhan Kerajaan tersebut, YAB Dato' Sri Mohd. Najib Bin Tun Hj. Abdul Razak, Perdana Menteri Malaysia telah melancarkan Indeks Syariah Malaysia pada 10 Februari 2015 bersempena dengan Majlis Perdana Ulama'~Umara' 2015 di Pusat Konvensyen Antarabangsa Putrajaya (PICC).

Keunikan Model Indeks Syariah Malaysia ini terletak pada pengukuran yang lebih menyeluruh. Ia mencakupi bagi fasa permulaan ini, lapan (8) bidang utama, iaitu perundangan Islam, politik, ekonomi, pendidikan, kesihatan, budaya, prasarana dan persekitaran serta sosial.

Untuk setiap satu bidang ini, tahap penyempurnaan lima (5) aspek dalam Maqasid Syariah, iaitu pemeliharaan agama, nyawa, akal, keturunan dan harta perlu dilihat secara menyeluruh. Ukuran dan penilaian akan dibuat bagi memastikan sama ada dasar dan program yang ditetapkan oleh Kerajaan di semua kementerian dan agensi selari atau tidak dengan apa yang terkandung dalam tuntutan Maqasid Syariah.

Apa yang penting juga dalam penilaian dan ukuran ini adalah bagaimana dasar atau program itu dilaksanakan dengan adil, cekap dan tepat pada sasarannya, supaya keindahan dan rahmat di sebalik Maqasid Syariah itu dapat diaplikasikan dan akan lebih menyerlahkan kesejagatan Islam pada seluruh umat manusia tanpa mengira batas agama.

Dalam konteks ini, apabila nilai Indeks Syariah untuk satu-satu bidang yang diukur dapat diketahui tahap kepatuhan Syariah dan juga persepsi masyarakat terhadap kualiti pelaksanaan dasar serta program berkaitan, maka ia akan dapat memberi gambaran setakat mana tercapainya matlamat Syariah dalam bidang tersebut. Oleh kerana itu, Indeks Syariah Malaysia adalah berorientasikan pengukuran usaha bukannya semata-mata tahap pencapaian dalam menterjemahkan prinsip dan nilai Islam.

Bagi menggerakkan usaha dan mencapai matlamat Kerajaan dalam melaksanakan Indeks Syariah Malaysia ini, sebuah Jawatankuasa Tadbir Urus Indeks Syariah Malaysia telah ditubuhkan dan keanggotaannya telah diumumkan secara rasmi oleh YAB Perdana Menteri pada hari pelancaran tersebut. JAKIM selaku agensi penyelaras hal ehwal Islam di bawah Jabatan Perdana Menteri telah diamanahkan untuk merealisasikan hasrat ini dan selaras dengan itu Unit Indeks Syariah Malaysia telah ditubuhkan berkuatkuasa mulai 1 April 2015 dengan Hala Tuju Strategik yang telah digariskan.



Pelaksanaan Fungsi dan Hala Tuju Strategik Unit Indeks Syariah Malaysia JAKIM

Unit Indeks Syariah Malaysia

JAKIM selaku agensi di bawah Jabatan Perdana Menteri telah diamanahkan untuk melaksanakan tugas Indeks Syariah Malaysia ini dan selaras dengan itu satu unit baru yang dinamakan sebagai Unit Indeks Syariah Malaysia telah diwujudkan di JAKIM berkuatkuasa pada 1 April 2015.

Visi

Menjadikan Malaysia peneraju model tadbir urus Islam yang pertama di dunia berlandaskan prinsip Maqasid Syariah.

Misi

Memastikan pengurusan Indeks Syariah Malaysia dapat dilaksanakan secara telus, berpusat dan sistematik melalui sebuah institusi yang berautoriti dan berperanan sebagai pusat rujukan yang lengkap dan komprehensif di peringkat nasional dan antarabangsa.


Objektif

- Mewujudkan satu organisasi yang bertanggungjawab sepenuhnya dalam pelaksanaan Indeks Syariah Malaysia;
- Memastikan pengurusan Indeks Syariah Malaysia dapat dilaksanakan secara telus, berpusat dan sistematik;
- Menjadi pusat rujukan dan sumber maklumat yang berwibawa berkaitan pelaksanaan Indeks Syariah dalam pentadbiran Negara sama ada di peringkat nasional dan antarabangsa; dan
- Menjadikan Malaysia sebagai peneraju model tadbir urus Islam komprehensif yang pertama di dunia.



Pelan Perancangan

- ✿ Menjadi sebuah badan pelaksana Indeks Syariah yang berintegriti, telus dan sistematik serta diiktiraf di peringkat negara dan antarabangsa.
- ✿ Mengeluarkan pekeliling, dasar dan garis panduan serta manual/prosedur pelaksanaan Indeks Syariah kepada semua jabatan dan agensi Kerajaan, swasta serta badan berkanun di peringkat Pusat dan negeri ke arah memastikan matlamat Indeks Syariah dapat dicapai.
- ✿ Menyediakan bahan-bahan maklumat bercetak dalam bahasa Melayu, Arab dan Inggeris seperti buku, risalah, pamflet dan sebagainya berkaitan dengan Indeks Syariah supaya seluruh masyarakat dan negara luar memahami dengan jelas produk tadbir urus Islam yang akan dilaksanakan oleh Kerajaan ini.
- ✿ Menyediakan akses maklumat mengenai Indeks Syariah melalui teknologi IT supaya masyarakat berupaya memperoleh maklumat dengan mudah dan cepat.

- 
- 
- ✿ Membimbing dan memberi penjelasan kepada seluruh masyarakat, jabatan dan agensi mengenai pelaksanaan Indeks Syariah secara berterusan sama ada melalui media elektronik atau program-program dan *engagement* secara berterusan dan bersungguh-sungguh.
 - ✿ Mewujudkan koordinasi dan kerjasama dengan semua jabatan dan agensi supaya proses pelaksanaan, pemantauan dan penambahbaikan Indeks Syariah dapat dijalankan secara cekap dan menyeluruh ke arah mencapai matlamat Maqasid Syariah.
 - ✿ Menyediakan insentif kepada mana-mana jabatan dan agensi Kerajaan dan swasta yang membudayakan amalan Maqasid Syariah dalam pentadbiran dan perkhidmatan.
 - ✿ Menyediakan sebuah *data base* yang lengkap dan sistem pengukuran serta analisis yang diperakui supaya pelaksanaan Indeks Syariah ini tidak dipertikai dan diiktiraf di peringkat nasional dan antarabangsa.
 - ✿ Mempatenkan Indeks Syariah Malaysia atas nama Kerajaan Malaysia.



Jawatankuasa Utama Indeks Syariah Malaysia

Penubuhan Jawatankuasa Tadbir Urus Indeks Syariah Malaysia (JKTU ISM)


Bagi memastikan urus tadbir pelaksanaan dan pemantauan Indeks Syariah Malaysia ini berjalan dengan sistematik dan efektif, Kerajaan telah bersetuju menubuhkan sebuah Jawatankuasa Tadbir Urus Indeks Syariah Malaysia yang dipengerusikan oleh YBhg. Prof. Emeritus Tan Sri Dato' Dr. Abdul Shukor Bin Hj. Husin dengan keahlian seramai lapan (8) orang yang telah dilantik oleh YAB Perdana Menteri pada 10 Februari 2015.

Objektif Penubuhan JKJU ISM

- ⚙ Menjana pemikiran dan idea dalam bidang kepakaran mengikut sektor yang ditetapkan.
- ⚙ Memastikan pelaksanaan dan pemantauan Indeks Syariah supaya dapat berjalan dengan sistematik serta berkesan.
- ⚙ Menilai tahap kesungguhan semua pihak yang terbabit dalam menjayakan agenda pelaksanaan Maqasid Syariah.

Fungsi dan Bidang Tugas

- ✿ Menjadi penasihat dan bertanggungjawab secara langsung kepada YAB Perdana Menteri mengenai laporan dan penilaian terhadap dasar-dasar pentadbiran negara ke arah mencapai matlamat Maqasid Syariah;
- ✿ Merancang, menambah baik dan menyediakan laporan Indeks Syariah dalam lapan (8) sektor seperti berikut:
 - i. Perundangan Islam;
 - ii. Politik;
 - iii. Ekonomi;
 - iv. Pendidikan;
 - v. Kesihatan;
 - vi. Budaya;
 - vii. Prasarana dan Persekitaran; dan
 - viii. Sosial.
- ✿ Membuat kawal selia dan pemantauan Indeks Syariah secara sepenuh masa;
- ✿ Menggerakkan usaha-usaha penyelidikan bagi menilai persepsi serta tahap kepuasan masyarakat terhadap pelaksanaan Indeks Syariah;

- 
- 
- ✿ Menjana idea-idea baru untuk menambah baik dasar dan program-program ke arah mencapai matlamat Maqasid Syariah di setiap agensi dengan mengadakan sesi percambahan idea seperti sidang meja bulat, dialog dan forum serta kolokium yang mensasarkan pelbagai pihak dan lapisan masyarakat;
 - ✿ Memperkukuhkan keyakinan masyarakat melalui pendekatan dan strategi yang berkesan mengenai usaha-usaha yang dilakukan oleh Kerajaan dalam melaksanakan tuntutan Maqasid Syariah dalam pentadbiran negara agar tidak dipengaruhi oleh persepsi yang negatif;
 - ✿ Menggerakkan program-program bersifat *engagement* dan dialog di kalangan *stake holder* supaya usaha-usaha ke arah mencapai matlamat Maqasid Syariah dapat dibudayakan dalam organisasi dan masyarakat. Dapatan daripada program-program tersebut akan digunakan bagi tujuan penambahbaikan indeks pada masa yang akan datang; dan
 - ✿ Memastikan semua kementerian, jabatan dan agensi memberi kerjasama sepenuhnya untuk menjayakan pelaksanaan Indeks Syariah ini.

Struktur Jawatankuasa



Penaung

YAB Dato' Sri Mohd Najib Bin Tun Hj. Abd Razak
(Perdana Menteri Malaysia)



Penasihat

YB Mejar Jeneral Dato' Seri
Jamil Khir Bin Hj. Baharom (B)
(Menteri di Jabatan Perdana Menteri)



Pengerusi

YBhg. Prof. Emeritus Tan Sri Dato'
Dr. Abdul Shukor Bin Hj. Husin



Timbalan Pengerusi

YBhg. Prof. Dato' Sri
Dr. Zaleha Binti Kamaruddin



Setiausaha

YBhg. Dato' Hj. Othman Bin Mustapha
(Ketua Pengarah JAKIM)

Ahli-Ahli



YBhg. Tan Sri Shukry Bin Mohd. Salleh
(Panel Pakar Dasar Dan Polisi)



YBhg. Prof.
Dr. Mohammad Said Bin Zainol
(Panel Pakar Indeks)



YB Senator Dato'
Dr. Asyraf Wajdi Bin Dato' Hj. Dusuki
(Panel Pakar Ekonomi Islam)



YBhg. Prof. Dr. Hj. Abdul Samat Bin Musa
(Panel Pakar Syariah dan Perundangan)



YBhg. Dato' Hj. Jailani Bin Ngah
(Panel Perancangan Strategik)



YBhg. Dato' Aidit Bin Ghazali
(Panel Perunding dan Rangkaian Kerja)

Panel Pakar JKTU ISM

PANEL PAKAR DASAR DAN POLISI

YBhg. Tan Sri Shukry Bin Mohd. Salleh

Ketua Setiausaha Sulit
YAB Perdana Menteri



Fungsi:

Meneliti dan mengkaji aspek-aspek yang berkaitan dengan usaha-usaha Kerajaan dalam penggubalan dasar dan polisi negara serta mengemukakan cadangan penambahbaikan ke arah penyempurnaan Maqasid Syariah dalam pentadbiran negara.

PANEL PAKAR EKONOMI ISLAM

YB Senator Dato' Dr. Asyraf Wajdi Bin Dato' Hj. Dusuki

Yang di-Pertua YADIM



Fungsi:

Meneliti dan mengkaji aspek-aspek yang berkaitan dengan usaha-usaha Kerajaan dalam membangunkan ekonomi dan kehidupan rakyat serta mengemukakan cadangan penambahbaikan ke arah memastikan usaha-usaha yang dilaksanakan menepati prinsip Maqasid Syariah.

PANEL PAKAR INDEKS

YBhg. Prof. Dr. Mohammad Said Bin Zainol

Fakulti Sains Komputer Dan Matematik
Universiti Teknologi Mara



Fungsi:

Meneliti dan mengkaji aspek-aspek yang berkaitan dengan penggubalan kaedah dan sistem pengukuran indeks yang diguna pakai serta mengemukakan cadangan-cadangan penambahbaikan bagi memastikan metode pengukuran Indeks Syariah Malaysia diiktiraf oleh badan yang berwibawa dan mencapai matlamat Maqasid Syariah yang ditetapkan serta dilaksanakan secara telus dan sistematik.

PANEL PAKAR SYARIAH DAN PERUNDANGAN

YBhg. Prof. Dr. Hj. Abdul Samat Bin Musa

Fakulti Syariah
Universiti Sains Islam Malaysia (USIM)



Fungsi:

Meneliti dan mengkaji aspek-aspek yang berkaitan dengan perundangan serta mengemukakan cadangan penambahbaikan ke arah meningkatkan usaha Kerajaan dalam mengimarahkan kepatuhan Syariah dalam dasar dan pentadbiran negara serta mengukuhkan institusi perundangan Islam di Malaysia.



8 Bidang Utama Pengukuran Indeks Syariah Malaysia



Pengukuran mengikut bidang-bidang utama dalam kerangka Maqasid Syariah mampu mencerminkan sejauh mana tahap pengetahuan, pemahaman dan pengamalan oleh Kerajaan (sebagai pembuat dasar), agensi-agensi (pelaksana dasar) dan individu serta masyarakat (penerima manfaat).

Pencapaian matlamat Maqasid Syariah menekankan prinsip *maslahah* (manfaat umum), *al-'adl wal ihsan* (keadilan dan kebaikan), *islah* (transformasi berterusan) dan *falah* (kejayaan) yang menepati tuntutan pembangunan individu, masyarakat dan negara.

Input Bidang-Bidang Utama

PERUNDANGAN ISLAM

- Pemeliharaan kedudukan agama Islam
- Pemerkasaan peranan institusi Raja sebagai Ketua Agama Islam
- Perluasan bidang kuasa Mahkamah Syariah
- Pemeliharaan institusi perkahwinan dan kekeluargaan

POLITIK

- Penterjemahan gaya urus tadbir negara
- Pendekatan politik pembangunan yang bersifat holistik
- Pembinaan dan penampilan imej Islamik dan *biah* solehah

EKONOMI

- Pegangan harta negara
- Penjaminan ekonomi
- Percukaian
- Keadilan dan kestabilan peluang ekonomi
- Penggalakkan penglibatan masyarakat dalam aktiviti ekonomi

PENDIDIKAN

- Pemerkasaan sistem pendidikan Islam
- Pemerkasaan modal insan sebagai penggerak utama
- Pembentuk Muslim Profesional
- Penggiatan usaha menjadi negara sebagai hab pendidikan
- Perwujudan rangkaian pemikir dan pakar

KESIHATAN

- Pematuhan amalan kerja patuh Syariah
- Penjaminan kualiti dan keberkesanan proses
- Pemberdayaan dan pengukuhan berterusan sumber struktural dan sumber manusia

BUDAYA

- Pemerkasaan peranan pihak berkuasa agama bagi menegakkan prinsip patuh Syariah
- Pewujudan usaha mengekang unsur syirik dan nilai negatif dalam kesenian dan hiburan
- Pemeliharaan warisan negara

PRASARANA & PERSEKITARAN

- Penyediaan prasarana dan kemudahan lanskap
- Pemeliharaan alam sekitar
- Pengurusan bencana
- Pengukuhan kesedaran cintakan alam sekitar

SOSIAL

- Pewujudan persekitaran sosial yang kondusif
- Pemerkasaan institusi perkahwinan dan keluarga
- Pemerkasaan sistem sokongan
- Pengukuhan jati iman dan jati diri masyarakat
- Pemeliharaan kebajikan umat



Elemen Ukuran Maqasid Syariah Indeks Syariah Malaysia





Lima (5) perkara asas ini menjadi keperluan *fundamental* kepada pengukuhan sistem politik, ekonomi dan sosial negara di samping pemantapan pengurusan masyarakat majmuk secara menyeluruh.

Menjaga Agama

- ⚙ Menjaga daripada berlaku fitnah terhadap agama, kesesatan dan mengikut hawa nafsu dan perkara-perkara yang merosakkan.

Menjaga Nyawa

- ⚙ Memelihara hak kehidupan yang mulia, menjaga anggota dan kehormatan diri.

Menjaga Akal

- ⚙ Memelihara akal manusia daripada kerosakan kerana akal yang rosak adalah punca bebanan dan kejahatan manusia.

Menjaga Keturunan

- ⚙ Memelihara zuriat supaya dibesar dan dididik secara mulia dan terhormat.

Menjaga Harta

- ⚙ Memperolehi dan memelihara harta benda dengan cara yang halal dan memberi faedah kepada semua tanpa kezaliman dan penganiayaan.



**JAWATANKUASA TADBIR URUS
INDEKS SYARIAH MALAYSIA**



Hubungi Kami

UNIT INDEKS SYARIAH MALAYSIA

**Jabatan Kemajuan Islam Malaysia
Aras 5, Blok D7, Kompleks D,
Pusat Pentadbiran Kerajaan Persekutuan,
62519 Putrajaya.**

No. Telefon:

03 - 8886 4240

03 - 8886 4806

03 - 8881 1826

03 - 8881 1231

No. Faksimili:

03 - 8881 1799





JABATAN KEMAJUAN ISLAM MALAYSIA

BLOK D7 & D9, KOMPLEKS D,
PUSAT PENTADBIRAN KERAJAAN PERSEKUTUAN,
62519 PUTRAJAYA.

ISBN 978-983-042-551-1



9 789830 425511

www.islam.gov.my